



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Litterae Leonis Regis Armeniae ad Papam Innocentium.

urn:nbn:de:hbz:466:1-20006

catholica perseverans, circa nos pia^m ge-
ris devotionis affectum, & filium te esse
apostolica^m sedis, innuis, dum eam esse
matrem omnium protestaris, recognos-
cens a nobis magisterium ecclesiastica^m
disciplinae, quam etsi receptam longo
tempore prius, ex parte tamen per ve-
nerabilem fratrem nostrum Magunti-
num Archiepiscopum, Episcopum Sabi-
nensem, unum ex septem Episcopis qui
nobis in Ecclesia Romana collaterales
existunt, suscepisse te gaudes, & deside-
ras observare. Fuit autem & est magnum
tu^m devotionis indicium, quod eundem
Archiepiscopum magnifice recepisti, &
curasti non modicum honorare; sicut &
tu^m litterae continebant, & ipsius nobis
relatio patefecit. Monemus igitur
fraternitatem tuam & exhortamur in Do-
mino, ac per apostolica tibi scripta man-
damus, quatenus in devotione sedis apo-
stolica firmiter perseveres, & in lege
Domini die mediteris & nocte, quae sane
doctrinæ congruunt prædicans, & quae
prædicaveris, quantum Dominus per-
mittit, adimplens; ut in te nec opera
verbis, nec verba operibus contradicant.
Esto circa subiectos magister, ut doceas,
ut corrigas, pater; mater, ut foveas;
doceas minus doctos, superbos corrigas,
humiles foveas & devotos; justitiam mi-
sericordia temperans, & æquitatem in
judicio non relinques. Super subven-
tione vero Hierosolymitanæ provinciæ
nosse te volumus quodjam per Dei grati-
am ad communionem nostram multi
crucis signaculum receperunt, & plures
Domino dante recipient, in defen-
sionem orientalis provinciæ opportuno
tempore transituri. Iam etiam duo ex
fratribus nostris de manibus nostris
vivificæ crucis assumpere vexillum, exer-
citum Domini præcessuri. Confide igitur,
& esto robustus: quia citius forsitan
quam credatur, orientalis provincia sub-
sidium sentiet expectatum. Datum Late-
rani IX. Kal. Decembri.

LITTERÆ LEONIS REGIS
Armeniæ ad Papam Innocentum.

Epiſt. 219.
Perit subſidium
adversus pag-
anos.

REverendissimo in Christo Patri &
Domino Innocentio Dei gratia
Summo Pontifici & universalis Papæ, tan-
to & tali honore dignissimo, Leo per
eandem & Romani Imperij gratiam Rex
omnium Armeniorum, cum salutatione
se ipsum, & quicquid potest. Gloria,

laus, & honor omnipotenti Deo, qui vos
tantum & talem pastorem Ecclesiæ suæ
præesse voluit, vestris bonis meritis exi-
gentibus, & tam fructuosam & firmam
fabricam super fundamentum Apostolo-
rum componere, & tantum lumen super
candelabrum positum toto orbi terra-
rum ad salutem totius Christianitatise fu-
ndere dignatus est. In vestri verò lu-
minis gratia salutariibus monitis Reve-
rendissimi Patris nostri Archiepiscopi
Maguntini instruti & informati, omne
regnum nobis a Deo commissum amplis-
simum & spatiolum, & omnes Armenios
huc illuc in remortis partibus diffusos, ad
unitatem sanctæ Romanæ Ecclesiæ di-
vina inspirante clementia revocare cu-
pimus & exoptamus. Ad hæc, calamita-
tes, miseras, paupertates, & imbecilli-
tatem regni Syriæ & nostri per ipsum
prædictum Maguntinum (quia diffici-
lior labor erat scripto retexere) pietati
vestræ patefacimus. Ipse verò per singu-
la rei veritatem vobis explicabit, in cuius
notitiam ista non præteriere. Hanc uti-
que contritionem & collisionem in valle
destituti lachrymarum jamdiu sustinui-
mus, quam de cerero sine spe subsidij &
auxiliij vestri sustinere nequimus. Verum
quia zelus domus Dei tepescere non de-
bet in cordibus tam vestro quam nostro,
non ut personam instrumentis geramus,
ejusdem domus decorem diligere & pro-
eadem domo murum nos oportet oppo-
nere, ut impetus quos super eam faciunt
inimici crucis, cooperante Dei gratia
collectis in unum animi viribus refluen-
do excludamus. Hinc est quod vestram
flexis genibus imploramus pietatem qua-
tenus lachrymabilibus Domini Magun-
tinii precibus & nostris divino intuitu au-
res misericordia porrigatis, & miseriis
Christianitatē compatientes, subsidium
Christianissimum nobis acurrendo mit-
tatis antequam irremeabile (quod absit)
incurramus diluvium; immo cum Dei &
vestro auxilio, evaginato ense, de Hur
Chaldeorum & perfecutione Pharaonis
liberari possimus. Datum Tharsis anno
ab incarnatione Domini MCXCIX.
mense Majo, die vigesima tertia.

LEONI ILLVSTRI REGI
Armeniorum.

IS Ecclesiam suam congregatam ex
gentibus, non habentem maculam
neque rugam, super gentes & regna

Epiſt. 219.
Reponet la-
perioli epi-
ſtolæ.